

Ohcejoga gielda
Gielldaráđdehus

ČOAHKKINBEAVDEGIRJI

9

227

ČOAHKKINÁIGI	7.6.2010 dmu 10.00 – 12.00		
ČOAHKKINBÁIKI	Gielldadállu, gielldaráđdehusa čoahkkinlatnja		
ČOAHKKINLAHTUT (ja merken, gii doaimmai ságadoallin)		Mielde	Eret
	Antti Katekeetta, ságadoalli	X	
	Esko Härkönen, várreságadoalli	X	
	Rauna Guttorm	X	
	Raimo Hekkanen		X
	Marjatta Kordelin	X	
	Elle Kaaren Aikio		X
	Ilmari Tapiola	X	
Persovnnalaš várrelahtut	Matti Valle, várrelahttu	X	
	Tarja Halonen, várrelahttu		
	Bertta Katekeetta, várrelahttu		
	Aslat Jon Länsman, várrelahttu		
	Ossi Pursiheimo, várrelahttu		
	Maritta Lukkari, várrelahttu		
	Samuel Paltto, várrelahttu		
EARÁT, GEAD LEDJE MIELDE (ja mieldeorruma vuoddu)	Veikko Guttorm, váldostivrra ságadoalli (vulggi 11.20) Viljo Pesonen, gielldahoavda, áššegiedahalli Marja Stenberg, beavdegirjedoalli Leena Aikio, tulka		
LÁGALAŠVUOHTA JA MEARRIDANVÁLDI 176 §	Mearrádus: Čoahkkin gávnnavuvvui lágalažžan ja mearridanválddalažžan.		
BEAVDEGIRJJI DÁRKKISTANVUOHKI (Dárkkistanáigi ja -báiki sihke dárkkisteaddjiid válga dahje merken ovddit beavdegirjji dárkkisteamis) 177 §	Mearrádus: Beavdegirjedárkkisteaddjin válljejuvvuiga Ilmari Tapiola ja Esko Härkönen.		
BEAVDEGIRJJI VUOLLÁIČÁLLIN JA NANNEN	Ságadoalli	Beavdegirejedoalli	
	Antti Katekeetta		
		Marja Stenberg	
	Esko Härkönen § 181-183		
BEAVDEGIRJJI DÁRKKISTEAPMI Beavdegirji lea dárkkistuvvon ja dat vástida čoahkkingiedahallama. Beavdegirjji giedahallanládiide letne (leat) merken nammabustávaideame(t)	Dárkkistanáigi 7.6.2010 Vuolláičállosa	Esko Härkönen	
	Ilmari Tapiola		
		Rauna Guttorm § 181-183	
BEAVDEGIRJJI LEA DOLLOJUUVON ALBMOŠIS	Báiki ja bvm Ohcejoga gielldadállu 15.6.2010 Virgi		

Čoahkkima bargoortnega dohkkeheapmi

7.6.2010

Gr 178 §

Evttohus: Gielddaráđdehus dohkkeha áššiid giedahallanortnega čoahkkima evttohuslisttu mielde.

Mearráduš: Gielddahoavda evttohii, ahte lassiasššin giedahallojuvvojit čuoovvovaččat: Deavdinlobit sosiála- ja dearvvasvuodadoibmii, Gáregasnjárgga skuvlla sierra- ja vuodđooahpahusa diibmooahpaheadji virggi deavdinlohpi, Beaktolinjjá huksendoarjja biedggosásanguovlluide ja Logahaga oasseáigásaš diibmooahpaheadji virggi deavdinlohpi.

Giedahallanortnet ja gielddahoavdda evttohan lassiasššit dohkkehuvvojedje.

Dili geahčasteapmi

7.6.2010

Gr 179 § Gielddahoavda muitala áigequovdilis áššiid dili birra.

Evttohus: Merkejuvvo diehtun.**Mearrádus:** Merkejuvvui diehtun.

 Gávppinannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

7.6.2010

Gr 180 § Gildii leat boahtán čuovvovaš gávppinannejeaddji giddodatluohpadanalmmuhusat:

Gávppinannejeaddji	Luohpadeaddji/ luohpadeami oažžu	Čuožáhat
Ahola Tapani	Kauppinen Jari/ Viiki Tero (skeaŋka, mearreoassi)	Ohcejohka Girkosiida Vetsimaa RN:r 44:22
Järvensivu Margit	Penttinen Tuula ja Erkki/ Jylhä Antero	Ohcejohka Vuovdaguoika Beavdegirjjis RN:r 13:41
Mönkkönen Helena	Pitkänen Tuula/ Ylönen Markku (olles giddodat)	Ohcejohka Girkosiida Kultakumpu RN:r 3:22
Tervahauta Sami	West Raimo/ Airaksinen Jukka (mearreviidodat)	Ohcejohka Outakoski Rievssatrohtu RN:r 7:64

Evttohus: Gielddaráđđehus merke diehtun gávppinannejeaddji giddodatluohpahanalmmuhusaid ja mearrida, ahte gielda ii geavat ovdaoastinvuoigatvuoda gávppi čuožáhagain.

Mearrádus: Evttohus dohkkehuvvui.

Máksomearrádušvuoigatvuoda eretgeassin gielddahoavda Viljo Pesoses

7.6.2010

Gr 181 § Gielddaráđdehus lea miedehan gielddahoavda Viljo Pesosii earu 21.7.2010 rájes. Pesonen lea almmuhan, ahte báhcá jahkelupmui 10.6.2010 rájes.

Evttohus: Gielddaráđdehus mearrida geassit eret gieldda nammačállinvuoigatvuoda ja máksomearrádušvuoigatvuoda Viljo Pesoses 10.6.2010 rájes.

Mearráduš: Ságadoalli Antti Katekeetta guđii čoahkkima dán paragrafa giedahallama áigái. Su sajis ságadoallin doaimmai gielddaráđdehusa várreságadoalli Esko Härkönen. Esko Härkösa sadjái nubbin beavdegirjedárkkisteaddjin välljejuvvui Rauna Guttorm. Antti Katekeetta várrelahttu Matti Valle bođii čoahkkimii ášši giedahallama várás.

Evttohus dohkkehuvvui.

Diehtun: báŋkkut
 rehketdoallu
 Polarmon

Máksomearrádusvuoigatvuođa addin vs. gielddahovdii Antti Katekeettai

7.6.2010

Gr 182 § Gielddaráđdehus lea válljen gielddaráđdehusa ságadoalli Antti Katekeetta dikšut gielddahoavdda virgesadjásašvuođa. Rabas virggi dikšun álgá 10.6.2010 ja bistá dassáži go fásta virgehálddašeadđji váldá virggi vuostá.

Evttohus: Gielddaráđdehus addá vs. gielddahoavda Antti Katekeettai gieldda nammačállinvuoigatvuođa ja gieldda máksomearrádusvuoigatvuođa 10.6.2010 rájes muhtin áigái.

Mearráduš: Ságadoalli Antti Katekeetta guđii čoahkkima dán paragrafa giedahallama áigái. Su sajis ságadoallin doaimmai gielddaráđdehusa várreságadoalli Esko Härkönen. Esko Härkösa sadjái nubbin beavdegirjedárkkisteaddjin válljejuvvui Rauna Guttorm. Antti Katekeetta várrelahttu Matti Valle bođii čoahkkimii ášši giedahallama várás.

Ilmari Tapiola evttohii, ahte máksomearrádusvuoigatvuohta addojuvvo Antti Katekeettai easkka, go Viljo Pesosa virgegaskavuohta nohká 21.7.2010. Dan rádjai máksomearrádusat dikšojuvvojit eará sadjásašordnemii. Esko Härkönen guottihii Ilmari Tapiola evttohusa.

Gearddi čoahkkimis lei dahkkon áššemeannudeaddji evttohussii guottihuvvon spiehkaseaddji evttohus, čađahuvvui nammačuorvunjienastus, mas JUO lei gielddaráđdehusa evttohus ja II lei Ilmari Tapiola guottihuvvon evttohus. Jienastusortnet dohkkehuvvui. Jienat addojedje oktiibuot 5 st, mas JUO-jienat 4 st (Matti Valle, Rauna Guttorm, Marjatta Kordelin ja Esko Härkönen), II-jienat 1 st (Ilmari Tapiola). Jienastusa vuodul gielddaráđdehusa evttohus dohkkehuvvui.

Ilmari Tapiola guđii sierraoaivila mearrádušas, gielddahoavdda sadjásačča bálkkáheamis maid Viljo Pesosa jahkeluomu áigái bohtet gildii badjelmearálaš golut.

Diehtun: báŋkkut
 rehketdoallu
 Polarmon

Gielddahoavdda virggi sadjásašordnemat

17.5.2010

Gr 170 §

Mearráduš: Gielddaráđđehus miediha earu gielddahoavda Viljo Pesosii 21.7.2010 rájes. Gielddahoavda Viljo Pesonen lea almmuhan ahte son báhcá jahkelupmui 10.6.2010 rájes.

Esko Härkönen evttohii, ahte gielddahoavdda virgesadjásašvuoda välljejuvvo dikšut gielddaráđđehusa ságadoalli Antti Katekeetta. Rabas virggi dikšun álgá 10.6.2010 ja bistá dássáži go fásta virgehálddašeddji váldá virggi vuostá.

Ságadoalli Antti Katekeetta almmuhii iežas easttalažžan ášši giedahallamii ja guđii čoahkkima. Ságadoallin dán paragrafa giedahallama áigge doaimmai Esko Härkönen ja nubbin beavdegirjji dárkkisteaddjin Marjatta Kordelin.

Esko Härkösa evttohus dohkkehuvvui ovttamielalaččat.

7.6.2010

Gr 183 §

Antti Katekeetta lea evttohan bálkásávaldahkan gielddahoavdda rabas virggi dikšumis 4.850 euro/mb.

Evttohus: Gielddaráđđehus nanne Antti Katekeetta oppalaš bálkán gielddahoavdda virggi dikšumis 4.850/mb.

Mearráduš: Ságadoalli Antti Katekeetta guđii čoahkkima dán paragrafa giedahallama áigái. Su sajis ságadoallin doaimmai gielddaráđđehusa várreságadoalli Esko Härkönen. Esko Härkösa sadjai nubbin beavdegirjedárkkisteaddjin välljejuvvui Rauna Guttorm. Antti Katekeetta värrelahttu Matti Valle bođii čoahkkimii ášši giedahallama várás.

Ilmari Tapiola evttohii, ahte Antti Katekeetta dikšugoah tá virggi easkka 21.7.2010, go gielddahoavda Viljo Pesosa virgegaskavuolta nohká. Oktage ii guottihan Ilmari Tapiola evttohusa.

Marjatta Kordelin evttohii, ahte Antti Katekeetta lea bálkkáhis virgeluomus suoidnemánus dan golbma vahku, go gielddadoaimmahat lea gitta. Rauna Guttorm guottihii Marjatta Kordelina evttohusa.

Evttohus ja maid Marjatta Kordelina dahkan evttohus dohkkehuvvojedje.

Diehtun: Antti Katekeetta

Ohcejoga gielddas
Gielddaráđđehus

7.6.2010

234

Loana lokten

7.6.2010

Gr 184 §

Gieldda váldostivra lea čoahkkimisttis 23.3.2010 § 6 miedehan gielddaráđđehussii 500.000 euro sturrosaš loatnaváldinfápmudusa. Loatnafálaldagat leat bivdojuvvon Kuntarahoitus Oy:s, Pohjola Pankkis, Sampo Pankkis ja Nordea Pankkis. Boahtán fálaldagat leat oaidnin láhkai čoahkkimis.

Evttohus: Gielddaráđđehus mearrida loana váldimis fálaldagaid vuodul ja addá gielddahovdii fápmudusa loktet loana.

Mearráduš: Gielddahoavda evttohii, ahte gielddaráđđehus dohkkeha Kuntarahoitus Oy loatnafálaldaga, mas lea molsašuddi reantu.

Gielddahoavdda evttohus dohkkehuvvui ovttajienalaččat.

Doaimmaid várás: gielddahoavda

Veikko Guttorm vulggii čoahkkimis d. 11.20 ovdal mearrádušdahkama.

Dieđuhálddašanprošeavtta álggaheapmi

7.6.2010

Gr 185 § Váldostivrra 15.12.2009 dohkkehan investerenplánii gullá Dynasty – arkiivahálddašanoasi skáhpon. Arkiivahálddašanoasiin dahkkojit ee. arkiivahábmenplánat ja bajásdollojit dat.

Dieđuhálddašanprošekta guoská oppa gieldda organisašuvnna. Dan bargun lea áššegirjehálddašeami ovddideapmi nu ahte álggahuvvo bargogohččosiid, doaimmaproseassaid ja dain šaddi áššegirjjiid kártemis. Seammás báberáššegirjjiide ja daidda áššegirjjiide, mat leat elektronalaš diehtovuogádagas meroštallojuvvo registreren, seailuhanáiggit, seailluhandábit, almmolašvuodadási, vástuolbmot, persovdnadiehtoluondu, suodjalanluohkká, diehtovuogádagat ja arkiivastinortnet.

Bargu lea viiddis ja das dárbbášuvvo gieldda iešguđege bargodáhpáhusaid áššedovdamuš. Barggu stivret nammaduvvo prošeavttas vástideaddji stivrenjoavku. Stivrenjoavkku barggu stivre dieđuhálddašanprošeavtta várás ráhkaduvvon prošeaktaplána.

Evttohus: Gielddaráđđehus dohkkeha dieđuhálddašanprošeavtta álggaheami. Gielddaráđđehus nammada dieđuhálddašanprošeavtta stivrenjoavkku, mii čoggo gieldda hálddahushoavddain. Dasa lassin stivrenjovkui nammaduvvo arkiivadikšu. Stivrenjoavkku ságadoallin nammaduvvo gielddahoavda. Dieđuhálddašeami prošeaktaplána buktojuvvo diehtun čoahkkimii.

Mearráduš: Evttohus dohkkehuvvui.

Diehtun: nammaduvvon stivrenjoavku
hálddahusgottit + prošeaktaplána

Áššegirjehálddašeami ja arkiivadoaimma oppalašrávvaga dohkkeheapmi

7.6.2010

Gr 186 § Árkiivalága 9 § mielde áššegirjehálddašeami ja arkiivadoaimma njunuš- ja bearráigeahčči eiseváldin doaibmá gielddaráđđehus. Gielddaráđđehus galgá mearridit dan virgehálddašeaddji dahje doaibmaolbmo, gii jođiha arkivastima ja arkiivva hábmema ja fuolaha gieldda áššegirjiin, mat seailuhuvvojit bissovaččat.

Gielddaráđđehus lea 8.12.2004 § 340 dohkkehan arkiivadoaimma doaibmarávvaga. Dieđuhálddašanprosektii laktásettiin rávvaga lea dárbu bidjat áiggi dássái.

Evttohus:

1. Gielddaráđđehus gomiha 8.12.2004 § 340 dohkkehuvvon arkiivadoaimma doaibmarávvaga.
2. Gielddaráđđehus dohkkeha Ohcejoga gieldda áššegirjehálddašeami arkiivadoaimma oppalašrávvaga, mii lea čuovusin. Oppalašráva dievasmahttojuvvo čuvvosiid buohta dieđuhálddašanprošeavtta oktavuodas, čuvvosat buktojuvvojit gielddaráđđehussii diehtun sierra.

Mearráduš: Evttohus dohkkehuvvui.

Diehtun: hálddahusgottit + oppalašráva
arkiivadikšu

Árvvoštallančilgehus jagis 2009

7.6.2010

Gr 187 § Čuovusin árvvoštallančilgehus jagis 2009.

Evttohus: Merkejuvvo diehtun.**Mearráduš:** Merkejuvvui diehtun.

Oassálastin bálvalančuoggáide, mat vuodđuduvvojit

7.6.2010

Gr 188 § Sitra ovddidan ovttasbarggus giieldadoaimiiguin giieldabálvalanguovddáš-konseavtta. Gieldasektoris sáhtášii juksat máŋgga miljárdda jahkásaš seastimiid go njuolgu proseassaid ja biđgos vuogádagaid. Juos gielddaid geavahan heivehusaid ja daidda laktáseaddji proseassaid sáhtášii ordnen optimálalaččat, de resurssaid sáhtášii stivret hálldahusas dikšunbargui ja eará gieldda guovddášdoaimmaide.

Giieldaid bálvalanguovddáš –fidnu ulbmilin lea ovddidit gielddaid ja gielddaovttastumiid doaimmanproseassaid ja elektronalaš áššiid dikšuma ođđa, riikkaviidosaš bálvalusguovddážiid vehkiin, maid giieldadoaimmit oamastit čuohteprosentasaččat. Bálvalanguovddážiid vehkiin gielddaid ovddidannávccaid sáhtá čujuhit gielddalaččaid bálvalusaid buorideami várás.

KPK THH –bálvalanguovddáš fállá oamasteaddjiidasas ekonomia- ja bargoveahkabálvalusaid. Ulbmilin lea sihkkarastit oassálastigiielddaid beaktilis ekonomia- ja bargoveahkaproseassaid doaimman, oktilis ja lágálaš dieđu buvttadeapmi gielddaid manuid ja boađuid birra vuodđun gielddaid plánema ja mearrideami várás. Fitnodat doaimmá maiddái aktiivvalaš gielddalaš ekonomia - ja bargihálldahusa váikkuheaddjin, ovddideaddjin ja koordinastin ovttasbarggus eará doaimmiiguin.

KPK ICT - bálvalanguovddáš fállá oamasteaddjiidasas diehtohálldašeami ja diehtoteknihka áššedovdi -, heivehus- ja infrastrukturbálvalusaid. Fitnodat ordne ja ovddida bálvalusaid koordinastimiin gieldasektora ICT - ovddidanfidnuid ja bálvalandárbuid. Dat ovttastahtá doaimmaheaddjiid fállan heivehusaid ja áššedovdivuođa ollislašvuhtan, čoavddusin ja bálvalussan, mat ávkašuhttet gielddaid doaimmaid.

Sitra evttoha gielddaide guovtti riikkaviidosaš bálvalusguovddáža vuodđudeami, mat leat čuohteprosentasaččat gielddaid ja gielddaovttastumiid oamastan fitnodagat. Bálvalusguovddáža deataleamos mihttomearrin lea beavttálmahttit gielddaid bálvalusproseassaid.

Gielda sáhtá oassálastit guktuide dahje dušše nuppi fitnodatsearvá. Áiggasoahpamušaide sáhtá searvat nu áhte čállá vuollái searvansoahpamuša 22.6.2010 rádjai dahje sáhtá soahpat fidnovástideaddjiin eará áigemuttu. Aitosaš fitnodagaid vuodđudanáššegirjit vuolláičállojit 26.8.2010.

./..

Oassálastin bálvalančuoggáide, mat vuodđuduvvojit
./.. § 188

Fitnodatortnega mielde gielda merke ovttá ossosa gielddalačča vuostá.
Ossosiid merkenhaddi mearrašuvvá merkenbottu mielde čuovvovaš láhkai:

- okta(1) euro per oasus 30.10.2010 rádjai;
- golbma (3) euro per oasus 31.12.2011 rádjai; man maŋŋá
- guhtta (6) euro per oasus dahje fitnodatčoahkkima 2/3 –eanetloguin mearridan vuolit merkenhaddi.

Polarmon Oy stivra lea mearridan, ahte Polarmon Oy čállá vuollái áiggasoahpamuša KPK THH:n oasis. Dáinna ordnemiin Polarmon Oy oažžu mávssolaš dieđu ja geahččala bearrat oassin odđa fitnodatsearvvi ovttasbargofierpmádahkii.

Mieldečuovvu materiála:

KPK THH:n ovdánanplána

KPK ICT:n ovdánanplána

Áiggasoahpamuš mii guoská KPK THH OY vuodđudeami

Áiggasoahpamuš mii guoská KPK ICT OY vuodđudeami

Lassedieđuid áššis oažžu Sitra Oy neahttasiidduin.

Evttohus: Gielddaráđdehus dohkkeha áiggasoahpamuša KPK ICT OY vuodđudeamis ja čállá dan vuollái. Ossosiid lotnumis mearriduvvo maŋŋá sierra.

Mearráduš: Rauna Guttorm evttohii, ahte gielddaráđdehus ii dohkket áiggasoahpamuša. Ilmari Tapiola guottihii Rauna Guttorma evttohusa.

Danin go čoahkkimis lei dahkkon gielddaráđdehusa evttohusas spiehkaseaddji guottihuvvon evttohus, de jienasteapmi čadahuvvui gieđa loktemiin. Jienastanortnet dohkkehuvvui. Jienasteami vuodul gielddaráđdehusa evttohus dohkkehuvvui.

Diehtun:

Doaimmaid várás:

Polarmon Oy

gielddahoavda

Gohcinbuhtadussoahpamuš

7.6.2010

Gr 189 §

Doaktáriid váldoluhttámušolmmoš evttoha 29.4.2010 sádde reivvestis, ahte Ohcejoga gielddas dahkkošii seammá lágan soahpamuš doaktára ja bátne doaktára gohcinbuhtadusain go Anára gielddas lea dahkkon. Anára gielddaráđđehus lea dohkkehan ođđasoahpamuša 8.1.2010 ja dat lea bohtán fápmui guovvamánu 2010 álggu rájes.

Ohcejoga doavttir gohcá Avvila dearvvasvuodaguovddázis ovcci vahkuloahpa jagis dearvvasvuoda- ja sosiálafuolahusa ovttasbargosoahpamuša mielde Anára gielddain.

Sosiálačállli Päivi Salminen lea evttohan, ahte soahpamuša ii galgga dohkkehit, daningo sohpmuš lasiha dovdomassii gohcima dagahan goluid ja váttásmahtta doavtterbálvalusa oazžuma.

Evttohus: Gielddaráđđehus geatnegahtta vuoddodorvolávdegotti čielggadit gohcima ordnema Anára dearvvasvuodaguovddázis ja soahpat njunušdoaktáriin gohcinbuhtadusain.

Lasáhusevttohus: Gielddaráđđehus addá sosiálačállái fápmudusa soahpat geasseáigge gohcinbuhtadusain juohke háve sierra.

Mearráduš: Evttohus ja lasáhusevttohus dohkkehuvvui.

Diehtun: luohttámušolmmoš
 sosiálačállli

Gohččundoaktára ja gieldda ovddasteaddji nammadeapmi

7.6.2010

Gr 190 § Jeagárbrigáda Davvi-Sámi guovlodoaimmahat bivdá gieldda nammadit ovddasteaddjiidis gohččunlávdegoddái ja gohččundoaktára gohččundoaimmahussii. Ovddasteaddjiid bivdet nammadit 30.6.2009 rádjái. Gohččumat dollojit Ohcejogas 7.9.2010.

Evttohus: Gielddaráđđehus nammada gieldda ovddasteaddjin sosiálabargi Maila Viberga ja gohččundoaktáriin vásttolaš doaktára. Dasa lassin Gielddaráđđehus nammada várreovddasteaddji gohččunlávdegoddái.

Mearrádus: Gielddaráđđehus mearridii, ahte várreovddasteaddjin gohččunlávdegoddái nammaduvvo Veikko Guttorm. Dasa lassin gielddaráđđehus mearridii, ahte gieldda dearvvahusa dilálašvuodas doallá Veikko Guttorm.

Diehtun: Nammaduvvon ovddasteaddjit
Jeagárbrigáda Davvi-Sámi Guovlodoaimmahat

Logahaga veahkkerektora virggi vuodđudeapmi

11.5.2010

Čuvglg 84 §

Hálddahasrievtti mearrádusa mielde lektor Eeva Vallittui máksojuvvo rektora bálká nu guhká go son lea virggis Ohcejoga gielddas. Govttolaš lea, ahte Eeva Vallittu maid doaibmá logahaga rektorin dahje veahkkerektorin. Barggut meroštallojuvvojit seammás.

Jagis 2005, go Vallittu sirdojuvvui logahaga lektorin, son doaimmai Ohcejohnjálmmi vuodđoskuvlla ja sámelogahaga oktasaš rektorin. Logahaga rektora virgi lei juo ovdal heaittihuvvon.

OVBES:a mielde logahagas sáhtá leat rektor (bargui guoskevaš bálká 4 04 01 00 5) dahje ollesbargoáigái ja –bálkáheapmái váldon logahaga veahkkerektor (bálká 4 04 02 00 0).

Dálá stivrennjuolggadusa mielde rektor-čuvgehusdoaimmahoavda doaibmá maid logahaga rektorin ja lektor Vallittu logahaga veahkkerektorin mearriduvvon oahpaheaivirgehálddašeaddjin. Rektor-čuvgehusdoaimmahoavdda sajadaga njunušrektorin galgá seilluhit. Čuovusin stivrennjuolggadusa rievadanevttohus rektor-čuvgehusdoaimmahoavdda ja logahaga veahkkerektora dahje rektora bargguid oasil.

Lasseválmmaštallan: YT-lága mielde gullančoahkkín dollojuvvui Ohcejohnjálmmi skuvllas be 7.5.2010 d. 15, mas mielde Juko oaive-luohtámušolmmoš Jorma Autio sihke vuodđoskuvllaid veahkkehoavddat Tarja Halonen, Maarit Pieski ja Marja Seilonen ja logahaga veahkke- rektor Eeva Vallittu. Beavdegirji lohkkujuvvo čoahkkimis.

Lassin válmmaštalli lea bivdán lektor Eeva Vallittus čálalaš cealkámuša čuoggáin 2.-3. Cealkámuš ii guđđojuvvon, dasgo Vallittu mielde YT-meannudeami miel ráđđádallama muittuhančála lea doarvái.

Evttohus:

- 1) Čuvgehuslávdegoddi evttoha gielddaráđdehussii ja ain váldostivrii logahaga veahkkerektora virggi vuodđudeami 1.6.2010 rájes.
- 2) Čuvgehuslávdegoddi evttoha gielddaráđdehussii ja ain váldostivrii čuvgehuslávdegotti stivrennjuolggadusa nuppástusa rektor-čuvgehusdoaimmahoavdda, vuodđoskuvllaid veahkkehoavddaid ja logahaga veahkkerektora bargguid oasil.
- 3) Čuvgehuslávdegoddi sirdá lektor Eeva Vallittu logahaga veahkkerektora virgái dan beaivvi rájes, go váldostivrra mearrádus om. virggi vuodđudeamis lea ollašuhhton, goit áramustá 1.6.2010.

/..

Logahaga veahkkerektora virggi vuodduapmi

./..§ 191

Mearráduš: Jaana Reinola evttohii, ahte veahkkehoavddaidd bargguid nuppástus ii gieđahallojuvvo dán oktavuodas. Ságadoalli guottihii Reinola evttohusa.

Maija Länsman bivddii merket beavdegirjái, ahte galgá váldit vuhtii, sáhttago lága mielde rektora doaibmagovvii mearriduvvon bargguid sirdit veahkkerektora doaibmagovvii omd. studeantačállimiid ordnen, oahppifuolahus ja beassanduodaštusaid vuolláičállin.

Áššegieđahalli evttohus Reinola evttohusain nuppástuhttimiin dohkkehuvvui.

17.5.2010

Gr 158 §

Evttohus: Addojuvvo čoahkkimis.

Čoahkkimis addojuvvon evttohus: Gielddaráđđehus guođđá ášši gieđahallama beavddi ala lasseválmmaštallama várás.

Mearráduš: Čoahkkin gulai rektor-čuvgehusdoaimmahoavdda ovdanbuktima áššis.

Čoahkkimis addojuvvon evttohus dohkkehuvvui.

7.6.2010

Gr 191 §

Lága gielddalaš virgehálddašeaddjis (304/03) § 4 mielde virggi galgá ovdal deavdima almmuhit ohcan láhkai, juos maŋŋá ii eará láhkai mearriduvvo.

Lassin §:s 4 daddjojuvvo, ahte virgegaskavuhtii sáhtta ovddit momeanttas spiehkkasemiin, dalle go jearaldagas lea

- 1) sadjásaš
- 2) rabas virgái váldin mearreáigái
- 3) ekonomalaš dahje buvttaduslaš sivaidd geažil eret celkon virgehálddašeaddji váldin nuppi virgegaskavuhtii
- 4) virgegaskavuoda fállan oasseáigásaš virgehálddašeaddjái
- 5) §:s 24 dárkkuhuvvon virgehálddašeaddji sirdin nuppi virgegaskavuhtii

Lága 24 § mielde virgehálddašeaddji sáhtta sirdit nuppi virgái, man gelbbolašvuodagáibádusaid son deavdá ja man sáhtta atnit sutnje heivvolažžan, juos su sajádat muhtin áigái váldon dahje mearreáigásaš virgehálddašeaddjin ii nuppástuva ja vuodustussan lea doaimma dahje bargguid odđasit ordnehallamii laktášeaddji vuodustuvvon sudja ja su

./..

Logahaga veahkkerektora virggi vuodđudeapmi
./..§ 191

aitosaš bálká ii njeja dahje son lea miehtan sirdimii dahje lea eará dohkálaš sivva ja virgehálddašeaddji lea miehtan sirdimii.

Evttohus:

1. Gielddaráđđehus evttoha váldostivrii čuvgehuslávdegotti stivrennjuolggadusa nuppástahttima logahaga veahkkerektora ja rektor-čuvgehuslávdegotti bargguid buohta (čuovus).
2. Gielddaráđđehus evttoha váldostivrii logahaga veahkkerektora virggi vuodđudeami 1.8.2010 rájes.

Mearráduš: Čoahkkin gulai rektor-čuvgehusdoaimmajodiheaddji Arja Alaraudanjoki ovdanbuktojumi áššis.

Evttohus dohkkehuvvui.

Doaimmaid várás: váldostivra

Ekonomiageahčastat

7.6.2010

Gr 192 § Čoahkkin gullá ekonomiageahčastaga.

Evttohus: Merkejuvvo diehtun.**Mearráduš:** Merkejuvvui diehtun.

Doaibmaorgánaid mearrádušat

7.6.2010

Gr 193 § Lávdegottiid beavdegirjjiid galgá doaimmahit gielddahovdii njealji beaivvi siste beavdegirjji dárkkisteamis. Gielddaráđđehusas lea váldinvuoigatvuohta lávdegottiid, iežas juhkosa ja vuollásaš stivrra ja virgeolbmo mearrádusaide. Váldinmearrádusa sáhtta dahkat gielddaráđđehus dahje dan ságajodiheaddji, gielddahoavda dahje stivren-
njuolggadusas mearriduvvon virgeolmmoš. Váldinvuoigatvuođa ferte geavahit mañimustá vuigengáibádusáiggi siste. Geavadis gielddahoavda guorahallá lávdegottiid mearrádusaid. Go gielddaráđđehus váldá beali váldinvuoigatvuođa atnimii, de merkejuvvojit dasa doaimmahuvvon beavdegirjjiit diehtun ja seammás mearriduvvo, ahte váldinvuoigatvuohta ii geavahuvvo áššiin, mat leat beavdegirjjiin. Beavdegirjjiid kopijiat eai laktojuvvo gielddaráđđehusa beavdegirjái, muhto dat galget leat lahtuid geavaheamis gielddaráđđehusa čoahkkimiin.

Čuovvovaš doaibmaorgánaid beavdegirjjiit leat oaidninláhkai čoahkkinsajis: Teknihkalaš lávdegoddi 4.6.2010.

Evttohus: Gielddaráđđehus merke diehtun doaibmaorgánaid mearrádusaid ja gávnaha, ahte GiellaL 51 §:s oaivvilduvvon váldinvuoigatvuohta ii leat geavahuvvon.

Mearráduš: Evttohus dohkkehuvvui.

Diehtun: hálddahušgottit

Áššit diehtun

7.6.2010

Gr 194 § **Evttohus:** Gielddaráđđehus merke diehtun čuovvovaš áššebáhpáriid:**Gieldalaš bargomárkanlágádus**

- Lappeenranta-seminára 19.-20.8.2010
- Bargoburesveadjin ja boaduslaš bálvalusdoaimma – doarjja barggusveadjimii

Gieldalihttu

- Oktasašreive 8/80/2010; Bargodearvvasvuodafuolahusa goasttádusaid buhtadeapmi viidána buohccidikšunbiires skáhppojuvvon dutkangoasttádusaide ja maiddái eanadoallit dearvvasvuodafuolahussii laktáseaddji áššiid
- Oktasašreive 9/80/2010; Mánáidsuodjaluslága vuodul sajuštahtton oahppiid ruovttugieldda mearrašuvvan jagi 2010
- Oktasašreive 10/80/2010; Skáhpponlága nuppástusat fápmui 1.6.2010

Lappi guovlluhálddahušvirgedoaimmahat

- Mearrádus vuodđobirgendoarjaga goasttádusaid stáhtaossodagaid nannen jahkái 2009
- Mearrádus sámegielat sosiála- ja dearvvasvuodabálvalusaid dorvvasteami várás čujuhuvvon mearreruđa geavaheamis jagi 2010
- Oahpaheaddjiid lupmuibidjamis almmuheapmi ja oahpahusa ordnemii guoski plána doaimmaheapmi guovlohálddahušvirgedoaimmahakkii

Lappi lihttu

- gádjunlávdegotti 22.4.2010 čoahkkima beavdegirji

Lapin 4H-piiri

- Riikkaidgaskasaš Nuorra – ovdačilgehusa loahpparaporta

Sosiála- ja dearvvasvuodaministera

- Gielddaráđđehussii doarjja nuppástusstivremii

Mearrádus: Merkejuvvui diehtun.

Čoahkkinbovdehusas máinnaškeahthes eará áššit
Deavdinlobit sosiála- ja dearvvasvuodadoaibma

7.6.2010

Gr

195 §

Sosiála- ja dearvvasvuodahoavda Päivi Salminen ohcá deavdinlobi čuovvovaš vuodđodorvolávdegotti vuollásaš doaimmaide:

1) Sosiála—ja dearvvasvuodadoaimma kanslistta doaibma 16.10.2010 rájes. Kanslistta bargguid deaddu lea dearvvasvuodafuolahusa doaimmahatbarggus.

2) Mánáidgárdeoahpaheadji / sámegielat árrabajásgeassima jodiheadji bargoluomu sadjásašvuolta áigái 16.9.2010 - 29.7.2011 Ohcejoga beaiveruovttu sámegielat ossodahkii.

3) Ruovttudikšun oahppofriijavuoda sadjásašvuolta áigái 5.8.2010-31.7.2012 dainna eavttuin, ahte vuodđodorvolávdegoddi mieđiha oahppofriijavuoda čoahkkimisttis 17.6.2010.

Evttohus: Gielddaráđđehus mieđiha deavdinlobi sosiála- ja dearvvasvuodahoavdda ohcamuša mielde.

Mearráduš: Evttohus dohkkehuvvui.

Diehtun: sosiála- ja dearvvasvuodahoavda

Čoahkkínbovddehusas máinnaškeahkes eará áššit

Gáregasnjárgga skuvlla sierra- ja vuodđooahpahusa diibmooahpaheaddji virggi deavdinlohpi

7.6.2010

Gr 196 § Rektor-čuvgehusdoaimmahoavda Arja Alaraudanjoki Gáregasnjárgga skuvlla sierra- ja vuodđooahpahusa diibmooahpaheaddji virggi deavdinlobi lohkanjáhái 2010-2011 (eahpedohkálaš áigái 14.8.2010-4.6.2011). Reive oktan vuodustusaiguin lea oaidnin láhkai čoahkkimis.

Evttohus: Gielddaráđđehus miediha deavdinlobi ohcamuša mielde.

Mearráduš: Čoahkkín gulai rektor-čuvgehusdoaimmajodiheaddji Arja Alaraudanjoki ovdanbuktojumi áššis.

Evttohus dohkkehuvvui.

Diehtun: rektor-čuvgehusdoaimmahoavda

Čoahkkinbovdehusas máinnaškeahthes eará áššit
Beaktolinjjá huksendoarjja bieđggosássanguovlluide

7.6.2010

Gr 197 § Lappi lihttu lea 27.5.2010 beivejuvvon reivviin bivdán Ohcejoga gielddas nannema 31.5.2010 beaivvi rádjai lága 1186/2009 eaktudan beaktolinjjá huksendoarjaga ohcama bieđggosássanguovlluide.

Johtolat- ja gulahallanministeria áigetávval lea leamaš, ahte eanagottit sáhttet álggahit stáhtadoarjaga ohcanmanahallama mañimustá njukčamánu 2010. EU komišuvdna lea easkka 6.5.2010 dohkkehan almmolaš doarjaga Suoma bieđggosássanguovlluide, man dihtii eanagottiid lihtut sáhttet easkka dál rahpat beaktolinjjá ohcanmanahallama. Vuosttas ohcanvurru lea váldojuvvon Ohcejoga gielda.

Lappi lihtu dahkan evttohusas lea leamaš, ahte buot golmma Ohcejoga guvlui bivdojuvvošii oktasaš fáladat ja operáhtorii várrejuvvo vejolašvuohta evttohit fidnuid ollašuhttima muttuid mielde. Fidnuid ollašuhttin muttuid mielde addá dakkár vejolašvuođa, ahte huksen ii leat várra vejolaš 2010 geasi áigge. Molssaeaktosaš evttohus livččii sáhtán leat, ahte Ohcejoga gieldda fidnuguovlluin bivdojuvvošedje sierra fáladagat, mii dagašii vejolažžan huksema sierra fidnuguovlluide.

Juos vuosttas ohcanvuorui eai dáinna málliin boade fidnoevttohusat, de ohcan sáhtta rahppojuvvot ođđasis čakčat ja dalle vejolaččat dohkkehit oassefáladagaid. Fáladagaid Ohcejoga gieldda beaktolinjaguovlluin sáhtta guođdit čálalaččat Lappi Lihttui mañimustá 30.6.2010. Gielddaráđđehus oažžu suoidnemánu fáladagaid giedahallamii, man mañná mearráduš loahpalaš fáladagain dahkkojuvvo.

Fáladagaide addojuvvojit čuoggát njeljiin iešguđetlágan vugiin, maksimi čuokkesmearri lea 100 čuoggá.

1. Fidnuid ohcojuvvon almmolaš doarjaga mearri. Eanemusat 50 čuoggá. Almmolaš doarjaga mearri euron oktiibuot mielde lohkkon stáhtadoarjaga, EU-ruhtadeapmi ja gieldda máksooassi.
2. Geavaheaddjiin berron searvanmávssut. Eanemusat 20 čuoggá. Veardádallamis geavahuvvo "haddekore". Haddekore doallá sisttis searvanmávssu (sis. 100 mehtera diñgojeaddji oktavuoda) ja diñgojeaddjioktavuoda (1900 * diñgojeaddjioktavuoda mehterhaddi) diñgojeaddji oktavuhtii sáhtta váikkuhit dat, gii goaivu ja gokčá kábela váldofierpmis giddodahkii. Goaivunbargguid sáhttet dahkat juogo operáhtorat dahje loahppaáššehas, ja dat goas goaivunbarggut dahkkojit, dahkkojitgo dat váldofierpmi ollašuhttima oktavuodas vai mañná.
3. Eará mávssut, mat berrojuvvojit geavaheaddjiin. Oktiibuot 15 čuoggá. Mánnomávssuid vuodul sáhtta oažžut 13 čuoggá, fierbmerusttega skáhponhaddi ja 1 čuokkis ja lavttajohtilvuoda nuppástus 1 čuokkis.

./..

Čoahkkinbovdehusas máinnaškeahthes eará áššit
Beaktolinjjá huksendoarjja biedggosássanguovlluide
./..§ 197

4. čatnaseapmi 10 jagi unnimusáiggi guhkit bálvalusa fállanáigái. Eanemusat 15 čuoggá. Veardádallandahkkis oažžu 0,5 čuoggá juohke 10 jagi unnimusáiggi badjel manni jagis gitta 20 jagi rádjai ja dan maŋŋá ovtta čuoggá juohke jagis. Eanemusčuokkesmeari oažžu, go fidnoevttohusa ráhkadeaddji čatnasa unnimusat 30 jagi fállanáigái.

Gieldda ruhtadanoasi fidnus lea 8 % dahjege beaktolinjálága mielde.

Dan maŋŋá go eanagottelihttu lea mearridan fidnu ollašuhttis, de Ohcejoga gielda mearrida gieldda miedehan doarjagis. Miehtemielalaš mearrádus lea eaktun stáhta dahje EU dálonguovloprográmmaid bokte máksojuvvon doarjaga ohcamii. Gielda sáhtta miedihettiin bidjat eavttuid ovdamearkka dihte prošeavtta čuovvumii, gieldda máksin doarjaga ruovttoluotta bearramii jed. Dalle gielda dahká sierra soahpamuša fidnu ollašuhtiin gieldda máksin doarjagis. Gieldda lea vuoigatvuohta leat mieditkeahttá doarjaga eanagottelihttu válljen fidnu ollašuhttái, juos gielda geahččá ovdamearkka dihte áhte ohccojuvvon doarjja lea menddo stuoris. Fidnoevttohusa dahkkis ii goittotge leat mange dilis vuoigatvuohta oažžut sierra buhtadusa dahkkon fidnoevttohusas dahje almmolaš doarjaga ohcamis šaddan goasttádusain.

Válmmaštalli: ealáhusčáli

Válmmaštalli evttohus:

1. Ohcejoga gielddaráđđehus dohkkeha Lappi lihtu dahkan almmolaš doarjaga ohcanmanahallama.
2. Gielddaráđđehus dahká loahpalaš mearrádusa ruhtadanossodagas easkka go fáldadagat ja loahpalaš huksenáigetávvalat Ohcejoga gieldda 3 fidnuguovllus leat ožžojuvvon.

Evttohus: Gielddaráđđehus dohkkeha válmmaštalli evttohusa.

Mearrádus: Evttohus dohkkehuvvui.

Diehtun: Lappi lihttu
ealáhusčáli

Čoahkkínbovdehusas máinnaškeahthes eará áššit
Logahaga siidodoaimbasaš diibmooahpaheaddji virggi deavdinlohpi

7.6.2010

Gr 198 § Rektor-čuvgehusdoaimmahoavda Arja Alaraudanjoki ohcá lobi deavdit logahaga siidodoaimbasaš diibmooahpaheaddji virggi lohkanjáhká 2010-2011. Reive oktan vuodustusaiguin oaidnin láhkai čoahkkimis.

Evttohus: Gielddaráđđehus mieđiha deavdinlobi rektor-čuvgehusdoaimmahoavdda ohcamuša mielde.

Mearráduš: Čoahkkín gulai rektor-čuvgehusdoaimmajodiheaddji Arja Alaraudanjoki ovdanbuktojumi áššis.

Evttohus dohkkehuvvui.

Diehtun: rektor-čuvgehusdoaimmahoavda